

本國每年出口之貨皆由外商運貨入境交易而去非必俱以實銀也一往一來相通之公理則關市不乏而國必富矣夫衆人之所集大利之所歸也孟子語天下之商皆悅而願藏於王之市商之藏於吾市吾之利也人情之所便即天意之所通順天者存違天者亡先天下者興後天者廢持廷執之說者其自絕於天乎而舉中國之人胥錮絕其生路尤不仁之甚矣夫天假手於西國以通商而成此萬國交通之盛是不啻爲四萬萬人增廣其生業也故西人論通商公例利於主國者九而客邦之利僅有其一今通商既數十國矣我自不設商部不與商會不主公司不偏駁輪舟不廣修鐵路不大通郵電使中國所產廣輸於人而外國所需亦出於我則我自不平其政終於利源不關漏卮不塞又何惑乎人之以不平加諸我也故善富國者平其心以平其政而已夫不通必不得其平於是一物不平則萬物不平一國不平則萬國不平而天下且大亂大學言理財而歸於平天下有以哉有以哉若乃盈虛判於度支自有主之者不善持權雖不通商庸保不耗乎言戰言和制砲制船師夷制夷皆歸無用此則菁華之所以耗其咎不能諉之通商

諭旨恭錄

三月初一日奉 上諭御史文梯奏各部院保送宗室滿州蒙古御史請先儘當差得力可保列一等人員保送並宗室滿蒙編檢照漢員例一體保送御史等語著吏部議奏欽此○初二日奉 上諭戶部代奏張家口監督字會差滿回京齋交盈餘銀兩并請減成賠繳虧短盈餘銀一摺所得盈餘銀三千五百八十一兩零著交廣儲司其所請減成賠繳之處著戶部核議具奏欽此同日奉 上諭肅親王隆勳持躬謹慎遠老成同治年間由鎮國將軍承襲王爵在御前行走迭次蒙 恩賞戴三眼花翎賞穿四正圍龍補褂黃馬褂歷任內大臣領侍衛內大臣朕御極後屢加恩命補授都統並派總理行營事務大臣崇文門正監督均能恪恭盡職著勤勞前因患病賞假方冀調治就痊長承恩眷遽聞溢逝悼惜殊深著賞給陀羅經被派員勒載潤帶領侍衛十員即日前往奠醊加恩賞銀三千兩經理喪事由廣儲司給發任內一切處分悉予開復其餘飾終典禮著該衙門查例具奏欽此

徐大宗師按臨寶慶府招考經濟科示

欽命翰林院編修國史館協修會典館協修提督湖南全省學院徐 爲示期招考以備選舉事照得案准 總理各國事務衙門來文現在奉 旨先行特科次行歲舉特科約以六事一曰內政凡考求方輿險要郡國利病

民情風俗諸學考錄之二曰外交凡考求各國政事條約公法律例章程諸學考錄之三曰理財凡考求稅則礦產農工商務諸學考錄之四曰經武凡考求行軍布陣駕駛測量諸學考錄之五曰格物凡考求中西算學聲光化電諸學考錄之六曰考工凡考求名物象數製造工程諸學考錄之行令督撫學政各學所知無限制疆域無論人數悉填姓名籍貫已仕未仕並其人何所專長各送 總理衙門考試會同禮部奏請 欽命題目 簡派閱卷大臣詣 保和殿試以策論等次優劣分別去留錄取者再請 殿廷覆試一場另請 簡派閱卷大臣詳定等第以昭慎重覆試後由 總理衙門會同禮部帶領引 見候 旨權用其歲舉係每屆鄉試之年由各學政調取算學執事各學堂新學諸生選送鄉試初場試專門題次場試時務題三場仍試四書文中式者另爲一榜名曰經濟正科舉人會試亦以此試之與尋常貢士一體覆試 殿試 朝考此爲常科三歲一舉各等因在案惟念舉必先知知必試而後得查湖省承先賢培植不乏真才現現在風氣大開尤多志士茲本院於按臨時示期招考合先出示曉諭爲此示仰聞屬舉貢生監及已仕官員未仕生童等知悉凡抱以上實學願應考者悉准先行赴學報名投卷由各該學官造冊呈送聽候點名入場考試由本院拔取存記或擇尤保送應試特科或俟鄉試屆期送當此 綸音丕煥賢路廣開多士自應聞風興起奮往爭先本院有厚望焉切切特諭 皮鹿門學長南學會第六次講義

今時事岌岌旅順大連灣已捕俄旗聞英法皆有變局中國四百兆人將有滅種滅教之懼湖南開學會實爲急開民智萬不得已之計而憤憤者猶或以爲天下無事正當歌舞太平何必無病而呻吟危言激論是謂多事又或以爲大局分裂事無可爲空講義理有何用處是謂迂闊不知今非無事亦非全不可爲正應急起爲之如救焚拯溺其最急者一曰保種一曰保教何以謂之保種五大洲內種類不齊亞洲內如中國十八省東三省新疆回疆以及日本朝鮮越南暹羅之屬其色黃黃謂之黃種歐洲內俄英德法及各小國美洲內美利堅墨西哥巴西之屬本歐洲人其色白謂之白種美洲紅皮土番其人色紅謂之紅種非洲土人及五印度南洋諸島土人其色黑謂之黑種今紅種黑種爲白種人剪滅殆盡取其民據其地奪其生理既失種類遂微數十年來紅種黑種之人日少一日惟白種人獨盛所以各種皆微而白種獨盛者由於強弱不同實由於智愚迥異紅種黑種皆野蠻不知學問惟性情犷悍能以力強不能以智強故雖竭力與白種爭終爲白種之所剪滅強以智不以力如徒以力強而已牛馬有力而爲人服役虎豹尤強而爲人擒獲其所以爲人服役爲人擒獲者由無智也古

之時草木榛榛鹿豕逐逐殆與紅種黑種無異而老子莊子皆以樂其俗安其居老死不相往來為美談然則紅種黑種正老子莊子之所推許何以並不能保其種以此言之保種必先開智開智方能自強老氏愚民之旨歷代用之為長治久安之秘策而施之今日為滅種之法使老子莊子生於今當不為此說矣我黃種之人聰明才力不在白種之下凡白種所能為之事黃種無不能者東洋一切製造皆能仿效西人今中國亦有能仿西人製造者中國人出洋學習其智慧多為西人推服然中國雖有此智慧未能講求開通智者自愚愚者自愚其智者足與白種抗衡其愚者亦與紅種黑種相去不遠若不急開民智恐不免為紅種黑種之續春秋左氏傳曰非我族類其心必異人情莫不自私其種類歧視異種異類春秋張三世之義太平之世遠近大小用心若一此惟太平方能若是今天下尚未到此境界西人奉耶穌教耶穌愛人如己出於墨子兼愛而西人雖讀此種道理猶未能化畛域之見一視同仁其待屬地人與本國人不同自羅馬時即用此術蓋深防其強而欲其弱尤深防其智而欲其愚惟恐其人智則必強勢將不為之下而將與之抗英與印度不選其人入議院不置其人於高等俄與波蘭雖使其入議院而不假以權且廢其新聞紙館不許印書法於越南猶賜四書味根錄以愚其士老氏愚民之旨非但中國秦皇以來特為秘策今之西人亦陰用之欲使本國人智屬地人愚為駕馭控制之計英於印度法於越南尚屬異種俄與波蘭則同種也猶忌克如此况種類不同者乎西人若入中國必不願為中國開智中國終無自強之日惟有任其貽藉而已今欲保種先求開智宜以印度波蘭越南為前車之鑒而勿蹈其覆轍何以謂之保教中國從孔子教歷二千年代用其書以教國胄三綱五常之理四書五經之文無不家喻戶曉以為人之異於禽獸者在此藉此維繫世道人心中國所以為禮義文明之國皆漢以來信從孔教之力也雖其間有道教有釋教與孔教並稱為三當二氏盛時從其教者或以為勝孔子然中國終以孔教為正今二氏之教衰微極矣而天主耶穌教乃起於數萬里外入中國與孔教爭勝其入中國始於何時不可攷六朝唐時有祇廟或以為祇廟即天主唐有大秦波斯諸教景教流行中國碑現存於世碑云三一妙身又云判十字以定四方頗與天主教合或云景教即天主教或云非是乃佛書所云婆羅門外道之一當時此等教雖入中國不傳中國人猶與孔教不相妨也明末利瑪竇等自歐洲來徐光啓諸人尊信之稱為西儒或稱為西方聖人使之治曆治兵治水利薦之入欽天監京師立天主堂然 國朝禁中國從天主教極嚴其後議和乃弛其禁天主耶穌教乃蔓延於各省其教以為孔子之教只能治人耶穌之教並能通天各尊其師固無足怪而其教士居中國久習中國文字

乃引聖經賢傳所言事天敬天之義及西銘乾父坤母之文盡擷取之以入其書其書亦談忠孝說仁義要人奉事父母祖宗此等道理與彼教並不符與孔教反相近或曰彼能崇尚孔教是吾聖人之道當行於泰西如中庸所云施及蠻貊凡有血氣莫不尊親此大同之機也或曰彼實欲傾孔教知我中國尊信已久不能猝奪巧為援儒入墨之計使淺陋之士莫能辨以為彼與孔教無異則讀書人皆將附和所謂彌近理而大亂真也是二說各有所見以時勢而論彼強我弱彼教奪我孔教甚易而以孔教變彼教甚難孔教無人傳海外其知有孔教者不過在中國教士數人是孔教之傳於彼者甚狹彼教既遍傳中國其勢必爭孔子之席又恐爭不能勝而取孔教之精理名言以入彼教則彼教之及於我中國者更廣趙雲松曰孔孟之教佔地甚少猶之於物其精粹至美之處本不甚廣其厚則所佔之地甚多非聖人之教不敵彼教之善而民皆信服之也此論固是然觀今日事勢竊恐並我之精粹至美者我亦不能保而為彼所得也韓昌黎曰其危如一髮引千鈞綿綿延延浸以微滅在昌黎時猶未必如此之甚至今日乃真一髮千鈞之危矣今欲保教急須講明孔教義理使人皆灼知孔教與天主教何者為同何者為異自然不至為彼煽誘若能推廣學會行教四方使吾聖人之道施及蠻貊尤為盛事時務學堂學約十條以行教終甚望諸君矢此宏願如不先明孔教宗旨徒逞血氣打教士毀教堂使彼氣益張何足以張吾教保種宜開智保教尤宜開智未聞有以力強者也

兩學會問答○羅為章問○湘省維新之治發軔於製造公司兩年以來絕無成效倘不極力整頓則後有作者恐不免貽為口實今宜改歸官辦或專造槍炮或紡織洋布俟他日確著成效庶可為電燈一節解嘲耳然製造總辦亦未可厚非該公司能堅忍持之或可收桑榆之效耳○答曰堅忍二字豈獨製造公司宜以相勵凡吾華士大夫下及於農工商賈皆不可不悚然自勉也淺嘗輒止以後辦事人皆不信我動必棘手矣法人之開辦五金礦亦莫不先難而後獲見小利則大事不成欲速則不遠此今日中國之弊也今電燈機器尚未到齊非即因此中止况官紳既創此事曾文正所謂好漢打脫牙齒和血吞萬無停工不辦之理○善化張次宗問時務學堂事○答曰讀來教文采瑛斌規畫宏遠不勝欽佩但於諸公辦事苦心及教者宗旨似尚隔膜願以鄙見質之高明湖南時務學堂二等學堂規制也與學伊始實難驟建高等學堂無足怪者時務學以振新政藝為大宗振新政藝以發明孔教嫡傳為第一義梁君卓如教學者先讀孟子公羊講明聖經中之公理公法然後取古今

中西之政治法律以比較而進退之求其切實可行故諸生案頭只置公羊傳等書者以現行功課在是此外續課之學經緯係貫尚浩博靡涯今學堂縱乏藏書何至寒儉如三家村塾哉且教法以愈簡要為愈良足下既知蒲昌三海內之書非墨五洲之籍繁而又繁我以莫百之齡區區辨掘不啻大地微塵亦慮日不暇給矣與其使初學小生泛觀旁騖自闢徑途孰若老師宿儒出其心得為之定功課書為之界說俾其劃一講求其收效不尤逸哉近梁君尚欲為諸生輯通習功課書使之駕輕就熟蓋以世亂需才不能作百年樹人之計欲收效於旦暮耳甯第欲諸生就書厨充博士如游五都之市販鬻珍異以自媒炫耶至於泰西各學皆習體操此衛生之要亦非具文若夫肄業習西文西語耗糧齒英華日不暇給在諸公非不知之然而不能輟者交涉事繁不習此則辦事愈棘手即講求泰西政藝亦無所取資足下豈不云有已譯之書可讀乎前西文教習李君譯琴在學會曾講此事云現譯各書皆昂精相宜聘泰西專門名家與中國精通西文者大舉共譯惜財力支絀難期與辦耳且學堂現議俟三月後甄別學生如有精中學而難習西文者准其專習中學其意何嘗拘滯哉足下請度三鉅宗書此是泰西大藏書院博物館之制學堂已加意搜羅其未美備者乃財力有限長沙國小不足迴旋耳豈力能為而故斷哉足下所云請絡一協會上協下遠協近外協內推本今世前世外世道器之濬隆所由然以自治外治知從遠知參伍變化之謂時謂務高見甚欽佩現南學會所擬行即是此意學會有總管所章程俟刊呈教夫辦事有序不能盡將苦心熱血傾吐於人其有朝三暮四避名取實者有心人自默觀而知之大廈非一木能支長途非跬步能至願同志諸君雅意扶持之而已

- 南學會藏書章程二十四條
- 一 本會設立藏書處凡古今中外有用之書陸續購置其尤要者多置數本以便有志嚮學者恣觀各書
  - 二 會友官紳願捐書者無論何類及會中已有未所有者均可隨時捐入
  - 三 各書籍須分門別類某櫃係某類某格係某書視書之大小長短依類安放標於每櫃每格之上並登簿載明庶取閱甚便
  - 四 各書卷帙多者須用香檀極乾木板夾之束以書帶以便皮閱
  - 五 各書當均用楷書標寫書名卷數以便尋檢
  - 六 凡書每本需用兩學會藏書圖章其為會友官紳捐入者加某官某邑某人相送戳記

- 七 所藏書籍應置分類書目簿二本一交坐辦處一存藏書處另須將書目用長牌數塊分類寫明懸掛以便欲看書者指明要看何書向管書人領取
- 八 凡書目簿須先置流水簿一本按購書之先後或捐書之先後登記某部計若干冊再另立分類書目簿二本分類登記并註明某朝某地某人所購係何處刻本或每部有數本亦分別註明并註明此書安放何櫃何格以便檢取
- 九 閱書之例凡會友給常年看書憑單其未入會者須由會友官紳切實函保言明實係志切研求由董事核准註冊即可付與憑單或常年或一月分別發給來看書者均須照章行事不得乖違
- 十 凡看書者常年憑單紙敝另行更換一月憑單期滿停止願續看者核准換給凡憑單均於每日上午領書時交驗下午看完繳書領回日日如此管書人不得任意通融 未完

時務學堂二月中分中文學生分數榜○計開 溢分者十八人 戴修禮 五十八分半 李炳震 五十分半 張伯良 四十二分半 鄭保坤 四十九分半 唐才實 四十三分半 黃瑞麟 四十三分半 黃頌變 四十三分半 譚國輔 四十二分半 鄒代城 三十一分半 周鎮藩 二十八分半 曾繼壽 三十八分半 朱茂芸 四十分半 楊士輝 三十五分 周宏業 五十四分半 黃敦甫 二十九分半 蔡良寅 十四分半 康錫洪 三十一分半 陳為鏡 二十七分半 楊樹毅 二十分 成曜高 二十二分 楊樹藩 二十四分 楊樹達 十九分 戴哲文 十分 蔡鍾沅 二十二分 易鳳翔 二十二分 楊樹藩 二十四分 楊樹達 十九分 戴哲文 十分 沈崇德 二十分 周培變 十八分 師毓岱 十八分 譚學芹 十七分 以上五人欠分應記俟抵

時務學堂考試學生期○昨日 撫憲牌示時務學堂第三次招考學生定期本月初八日在南學會局試二教為賽會起數錄錄○江西參訪友人云豐城縣天主教民突被毆傷教士遂函告各憲請派員馳往保護南昌府江初晉太守接奉憲檄即督率卸任新建縣文芝塢明府僧李教士德望前往善為處置既抵豐城縣境始知有地名二坊者中多耶穌教民某日約同鄉里賽會天主教民見之謂西教素不奉神今何忽有此舉不

免多所譏刺耶蘇教民亦反唇相稽以致積忿難平互相格鬥天主教民力不能敵被傷五名時維豐城縣案者為湯味齋明府聞報即秉公理處事已了矣不知何故忽又大起風波天主教民稱被毀斃五命受重傷者亦五人并將屍骸匿質之耶蘇教民則稱蛇影杯弓並非實事太守及明府遂邀同李教士及耶蘇教牧師壽君體察情形和平商辦

湘粵鐵路好音○昨聞初四日盛京御電撫署云總署遵旨致粵督電謂粵省紳商既因照信股票與鐵路股票難以並舉即可分別從緩但此路為南北箱鈴又為他人所覬覦不能因集股難議緩修所有勘路購地等事仍著該督協力襄助不得漠視等語現在美欵借定合同已立即有人來湘勘路請派員同勘並將起程日期電告云云此舉轉危為安湘之幸也

以輪船接續火車○俄國西北利亞鐵路告成惟中有一段為白喀勒湖所隔查該湖面甚寬欲使鐵路相接實屬不易有建議造橋以通之者亦屬費事今聞俄廷向英阿姆士脫耶廠定造火輪一艘專渡火車過湖之用船重四千二百墩長二百九十尺寬五十七尺吃水約十八尺有半

意國調船○香港循環日報云刻得新加坡來信言意大利國調來國中之三等巡船名林伯地亞者不日將到聞此後尚有巡船兩艘前來一名威多勉仙彌一名智澳灣彌坡臣

無綫電信○九州報云日本技師某頃欲創無綫而能通電之法苦心孤詣遂得一法於東歷三月中旬試演果有成效現已能通十里遠近云

添派提督○廣州中西報云向來德法兩國派駐亞東各兵艦各統以水師提督一員惟英俄兩國則各有水師提督二員自德人既據膠州即簡提督二員以資統轄法人因亦添派一員駐泊東方海面現在東方之法蘭艦隊以提督保文為統領以卑都利亞為後營提督其布置一切已有待時而動之意東方時局不誠岌岌可虞哉

韓國黨人上疏○西三月四號朝鮮來函云朝鮮獨立協會合志士百三十九人縱談國事莫不慷慨激烈於是聯名上疏請斬賣國奸臣金鴻陸陸捕宮內大臣李載純革警務使李忠求職疏上各大臣慄慄危懼有外部大臣李道宰度支大臣閔種默上表乞骸骨國王覽表之餘不勝慨歎因批示曰國步艱難李氏至此末路殊堪憫惻諸大臣棄朕而去朕亦願退位云未幾聞金鴻陸被刺但未悉確否

石印古今算學叢書股票出售

此書係善化劉振愚內翰在上海設局詳細校對共書一千零八卷分三次出書五月出彙數一門八月出樂律兵法格致三門臘月出天文經史三門書票每部價銀三十五元如欲購者請至上黎家坡劉宅購取可也

閏三月初五日用各物時價表

物名	每實	價值	比較	物名	每實	價值	比較
銀	兩湖平	一千三百五十五文		銀圓	圓	七錢五分	湖平 九百二十文
上白米	石	一千五百五十五文		典錢	每串十足	七錢九分五厘	
中米	石	一千五百五十五文		次白米	石	一千五百五十二文	
河四谷	石	一千三百三十三文		河東谷	石	一千二百四十四文	
洋麵	包	一千六百六十文		上麵	百觔	四千二百文	
茶油	百觔	七兩九錢		淮鹽	百觔	五十六文	
桐油	百觔	七兩二錢		菜油	百觔	七兩六錢	
牛油	百觔	一兩八錢四分		桐油	百觔	六兩二錢	
中棉花	百觔	一百二十文		栗木炭	百觔	一千一百文	
頭印折表	石一百四十四方	七兩九錢		上棉花	百觔	十七兩二錢	
三印折表	同前	十六兩九錢		下棉花	百觔	十六兩一錢	
塊煤	石	四兩三錢		一印折表	同前	四兩一錢	
石	石	二兩七錢		吳庄紙	石	四兩一錢	
石	石	三百六十文		烟煤	石	四兩一錢	
石	石	二百八十文					

儒醫

潮陽陳隱庵夫子序名謙精岐黃術住  
求忠篤志二齋一號 同門公白

# 王壯武公全集

公為中興備將用兵如神是書稟讀書札及練勇芻言等  
共念四卷皆談兵者不可少也

寄南陽街宣文書局發售

## 廣豐森綢緞洋貨布莊

開設長沙大西門專辦綢緞大呢洋  
貨彩標加染縐青棉夏布疋俱全

## 推算易經命理

炮坪張會仙仙翁精通河洛理數吉  
國福福准驗如神 同人代白

## 印送不纏足歌

凡欲閱者請至南正街翁宅領取

## 新造木輪

此船係仿蘇河木輪式樣加工製造輕快異常往來長沙湘潭載客甚  
為穩便而價極廉每日上午八點鐘開往湘潭晚間八點鐘開回長沙  
決不遲誤停泊定所長沙在大西門外湘潭在十四總特此告白

## 歷代方輿險要沿革表

附內府輿地圖共廿五本毛邊紙每部壹千陸百  
文股票寄府正街崇德書局出售六月內出書股  
票賣至端節止

### 瀏陽與算記

瀏陽邑萬山中奇峯插天秀林疏地由太圍直走長沙綿亘三百餘里溪水迴環西流有濂溪之曲折而寫遠過  
之生其間者率推魯無文痛去一切繁縟虛華之習恪守鄉先正歐陽文公朱慎甫諸老遺風矩步繩趨經  
外之宜相為應付則且色然驚訝以為吾僻處窮陋之士奚事此為也故凡議稍稍更改之事必經年累月彼可  
此否彼否此可力持利不十不變法之說以相抵拒譚嗣同憂之曰瀏陽雖蕞爾邑而戶口之繁百萬有奇物產  
殷阜礦質充物乃東方之小瑞士也然而不能開通耳目擴充智力虛擲我人物駢羅之區於若有若亡若存若  
滅之間則烏可以為邑矣又以是視之他邑亦無不然與起少異吾瀏者則烏可以為國矣於是日與才常  
謀所以變通之激厲之恆兩人對坐徹夜不寐熱而盈腔苦無藉手泣數行下不得已欲就一邑為新中國之萌  
芽會日月之幾何遂忽忽五六年終無成議日暮途遠人問何世每一顧景羣倫在疚萬箭攢胸我瞻四方感  
靡聘會東事起水陸諸軍潰敗不可收拾警報日夕數至朝野上下震悼失圖於是鄉曲之儒談虎色變亦稍稍  
生熱力萌動機矣元和學使江公按臨是邦才常乃糾同人劉君滋英涂君寶初羅君甘等首以改革南臺書  
院章程請江公區然曰久矣夫余之輟食棄餐撫劍東向欲求振刷於是邦也不圖義聲首唱與余耿耿之心相  
符契者有瀏人士也急檄下縣官行無怠縣官未即應也適遇旱災甚民洶洶有逃亡者餓殍者官紳議括公私  
款項盡供賑事兩臺膏火亦取其贏餘輸之維時吾師歐陽節吾先生方以假還縣先生早即力唱西學至謂華  
盛頓為堯舜湯武合為一人儼然西方之聖者吾中國不欲保種則已如欲保種必尊崇西人之實學而後能終  
衛吾素王之真教黃種乃以學塾於無盡往者才常偶於應試小文引用素王改制即蒙激賞至貽書獎勵之亦  
可知為學宗旨之所在矣及聞改書院事猝不得就乃慨然集同志十餘人捐資結社於邑之奎文閣聘新化  
晏君孝儒為之師又刻譚嗣同所為算學議俾傳觀遠近用代逾人其明年先生遂別籌巨款為常年經費易  
社曰館於是瀏陽始有所謂算學館者而南臺書院亦議改師課為史學掌故與地諸門夫以吾瀏之小學語地  
球不啻黑子之著面然且焦精灼神傾肝瀝膽經年累月彼可此否彼否此可始少有振奮少有變更於此見變  
法自下之難而始事之人未有不勞怨交加千磨百折者也然自是而校經學會而德山書院而方言館而嶽麓  
書院而時務學堂而南學會日新月盛震煇支那海內豪傑之士至歸本瀏陽一隅變法之功又以見始事之人

瀏陽唐才常撰